

جے تہانوں تہاڈے اے آر سی نام مسئلہ ہے تان تہانوں کیہ کرنا چاہیدا ہے



scottish
refugee
council

Problems with your ARC - Punjabi

اپریل 2010

تہاڈا عرضی اندراج کارڈ یاں 'اے آر سی' اہم ہے۔ ایہہ دکھاؤندا ہے پئی تسیں پناہ لین لئی اک عرضی دتی ہے اتے ایہدے تے تہاڈی ذاتی تفصیل اتے فوٹو لگی ہوندى ہے۔ ایہنوں اکا تسیں ہی ورت سکدے ہو۔ تہاڈا اے آر سی تہاڈی پچھان نوں ثابت کردا ہے اتے تہانوں مقرر کیتے ہوئے ڈاکخانے وچ داخلہ وزارت ولوں مالی امداد تیکر پہنچن جوگ بناؤندا ہے۔

ایہہ دستی پرچہ دسدا ہے پئی جے تہاڈا اے آر سی کم کرنا چھڈ جاندا ہے یاں گواچ جاندا ہے یاں چوری ہو جاندا ہے، تان کیہ کرنا ہے اتے اسیں کیویں مدد کر سکدے ہاں۔

جدوں میں اپنی مالی امداد لین دی کوشش کردا ہاں تے جے میرا اے آر سی ڈاکخانے وچ کم نہیں کردا فیر مینوں کیہ کرنا چاہیدا ہے؟

جے کسے وی وجہ توں تہاڈا اے آر سی کم نہیں کردا، ڈاکخانے دے عمل کولوں اک رسید حاصل کرو اتے اپنا کارڈ مگروں دوبارہ ورتن دی کوشش کرو۔ ایہہ اہم ہے پئی تسیں ڈاکخانے نوں کہو پئی اوہ تہاڈا کارڈ دوجی واری کوشش کرے۔ تسیں ایہنوں مگروں دوبارہ کوشش کر سکدے ہو اوسے دن یاں اگلے دن۔ جے تہاڈا کارڈ دو واری ردیا جاندا ہے، یقینی بناؤ پئی ڈاکخانہ تہانوں دوجی رسید دیندا ہے۔

جدوں تہاڈے کول دوویں رسیداں ہوندىاں ہین، تسیں اوہناں نوں ساڈے دفتر لیا سکدے ہو جتھے اسیں فیر تہاڈا مسئلہ داخلہ وزارت نوں دسن جوگے ہوواں گے۔ ایہہ اہم ہے پئی تسیں دوویں رسیداں اپنے نال لے کے آؤ کیوں جے داخلہ وزارت نوں ایہہ ثبوت چاہیدا ہووے گا پئی تسیں اپنی مالی امداد بغیر کامیابی دے دو واری لین دی کوشش کیتی ہے۔ مہربانی کرکے رسیداں ہفتے وچ جنی چھیتی ہو سکے لے آؤ۔ جے تسیں مسئلے دی رپورٹ چھڑا اودوں کردے ہو جدوں اک ہفتہ لنگہ گیا ہوندا ہے، داخلہ وزارت تہانوں اوہ پیسہ نہیں موڑدی جیہڑا تہاڈے کولوں کھنچ گیا۔

جے میرا اے آر سی گواچ گیا یاں چوری ہو گیا تان مینوں کیہ کرنا چاہیدا ہے؟

جے تہاڈا اے آر سی گواچ گیا ہے یاں کسے نے چوری کر لیا ہے، تہاڈے لئی لازمی ہے پئی ساڈے نال رابطہ کرن توں پہلاں پولیس نوں رپورٹ کرو۔ تہانوں اک پولیس رپورٹ لین دی لوڑ پوے گی جیہدے وچ:

- جرم دا حوالہ نمبر پولیس سٹیشن ولوں دتا گیا ہوئے (جے تہانوں کوئی دتا گیا ہے تان)؛
- جس پولیس افسر نے تہاڈی رپورٹ لکھی اوہدا نام اتے نمبر؛ اتے
- پولیس سٹیشن دا نام جتھے تسیں ایہہ رپورٹ لکھوائی۔

علاقائی پولیس نال 0141 532 2000 تے رابطہ کرو اتے اوہ تہانوں مقامی پولیس دا رابطہ نمبر دین گے جیہڑی رپورٹ لکھن وچ تہاڈی مدد کرن جوگی ہووے گی۔

فیر تسیں ایہہ رپورٹ ساڈے دفتر لیا سکدے ہو اتے اسیں داخلہ وزارت نوں تہاڈے نقصان یاں چوری بارے دسن وچ تہاڈی مدد کران گے۔ مہربانی کر کے دھیان رکھو پئی ان نواں اے آر سی جاری ہون وچ کئی ہفتے لگ سکدے ہین۔ جدوں تسیں نویں کارڈ نوں اڈیک رہے ہو، اسیں داخلہ وزارت نوں درخواست کر سکدے ہاں پئی اوہ تہانوں ایمرجنسی امدادی ٹوکن گھلے۔ ایہہ ڈی ایکس نام دی کوریئر کمپنی راہیں تہاڈے گھر دے سرناویں تے گھلے جان گے۔

جے میں اس کر کے اپنا اے آر سی ورتدیاں اپنی امداد تیکر پہنچ نہیں کر سکدا پئی میں ہسپتال داخل ہاں، مینوں کیہ کرنا چاہیدا ہے؟

جے تسیں ہسپتال داخل ہو اتے اپنا اے آر سی ورتدیاں اپنی امداد لین لئی ڈاکخانے جان جوگے نہیں ہوو گے، اپنے سماجی خدمتگار نوں پچھو، جے کوئی ہے تاں، یاں نرس نوں کہو پئی ساڈے نال رابطہ کرے تاں جے اسیں اوسے ویلے داخلہ وزارت نوں اطلاع کر سکئیے۔ ایہہ اہم ہے پئی تسیں ایہہ جنی چھیتی ہو سکے کرو تاں جے داخلہ وزارت تہاڈے حالات توں باخبر ہو سکے۔ تسیں ساڈے **مفت فون: 0800 085 6087** تے کال کر کے ساڈے ڈیوٹی تے مقدمہ اہلکار نال گل کر سکدے ہو۔ دھیان رکھو پئی ساڈا مفت فون چھڑا لینڈ لائن توں ہی ملدا ہے۔

جے تسیں سانوں نہیں دسدے پئی اسیں داخلہ وزارت نوں تہاڈے حالات وچ بدلی بارے دس سکئیے، تہاڈی امداد رُک سکدی ہے، نقد امداد اگے نہیں پائی جا سکدی پئی مگروں لے لوو گے۔

میں اک صوبائی ڈرائیور لائسنس دی عرضی دینا چاہوندا ہاں۔ کیہ میں اپنا اے آر سی اپنی پچھان دے ثبوت دے طور تے ڈرائیور اتے گڈیاں دے لائسنس دی ایجنسی (ڈی وی ایل اے) نوں گھل سکدا ہاں؟

اک صوبائی ڈرائیور لائسنس حاصل کرن لئی اپنا اے آر سی ڈی وی ایل اے نوں اپنی عرضی دے انگ دے طور تے نہ گھلو۔ تہانوں تہاڈے اے آر سی دی ڈاکخانے چوں نقد امداد لین لئی ہر ہفتے لوڑ ہے۔ ایہدے بغیر، تسیں کوئی پیسہ کڈھواؤن جوگے نہیں ہوو گے۔

25 مارچ 2010 نوں، جے تسیں یو کے وچ پناہ لین لئی عرضی دتی ہے اتے حالے تیکر تہانوں ایتھے رہن دی چھٹی نہیں ملی، تسیں یو کے ڈرائیور لائسنس لئی عرضی دین جوگے نہیں ہوو گے۔

حکومت دے قانوناں وچ اجوکیاں بدلیاں دا مطلب ہے پئی اوہ لوک جہیناں نوں **گھٹو گھٹ 185 دنان دے ویلے لئی یو کے وچ کسے وی قسم دی رہن دی چھوٹ ملی ہے اوہ یو کے ڈرائیور لائسنس لئی عرضی دین دے حقدار ہون گے۔**

ایس بدلی دا اثر اوہناں لوکاں تے نہیں پوے گا جہیناں نے یو کے ڈرائیور لائسنس لئی 25 مارچ 2010 توں پہلاں عرضی دتی سی۔